

Un tiki di Betico



Betico a nace 25 di Januari 1938 y a fayecé 26 di November 1986

Na bida e tabata:

- Fundador, lider y presidente di M.E.P.
- Diputado di Territorio Insular di Aruba
- Miembro di Staten di Antiyas
- Miembro di Eilandsraad di Aruba
- Consehero General di Gobierno di Aruba

Awe ta recordá su fecha di nacemento, pero na mesun momento ta lamentá cu e gran lider manera e pueblo tabata yamé no tey mas.

Hopi sigur ta recordá e accidente horribel cu a sosodé na 1985 net algun ora promé cu Aruba a drenta su Status nobo cu e arquitecto, constructor y realisador di e Status Aparte Betico Croes a accidentá trágicamente y a perde conocimiento.

1986

Promé di Januari 1986 Aruba a drenta su Status Aparte. Un obra gigantesco cu a ser prepará y guiá pa MEP y su máximo lider Betico Croes den feliz memoria.

Diezun luna largo Betico a keda lucha den e estado di coma y a ser tratá na Miami, Chicago, Maastricht y Utrecht te cu el a fayecé dia 26 di November 1986.

Su morto a causa un tristeza enorme pa su pueblo pero semper a sigui cu e palabranan di Betico Croes, "Si mi mester cai na caminda, gara e bandera y sigui cu e lucha".